

紀年事表

史家立表以包括古今次其年月簡而不漏最爲編載之要若一郡之表事僅係於一郡與國史異矣而江甯則於古屢爲帝都所
有事變實多固殊於他郡也若宋景定志表則繁冗無表體又託
始於周江甯於周秦事甚畧其可見者已具沿革今斷自三國孫
吳始作事表

吳 漢獻帝建安二年孫策始封吳侯 十六年孫權徙治秣陵
明年城石頭改秣陵爲建業 大帝權黃龍元年遷都建業 赤
烏八年陳勲鑿破岡作邸閣 十年改作太初宮 十三年廢太
子和處故鄣立子亮爲太子作棠邑涂塘 太元二年薨葬蔣陵
廢帝亮太平二年孫琳廢帝爲會稽王迎立景帝

景帝永安五年立子暉爲皇太子 六年建業石頭小城火燒西
南一百八十丈 七年帝崩濮陽興張布言於朱太后廢暉立皓
後主皓甘露元年殺朱太后於苑中十一月徙都武昌以丁固諸
葛靚鎮建業 寶鼎元年自武昌還建業 二年起昭明宮 建
衡三年載太后後宮自牛渚陸道西上呼云青蓋入洛陽遇雪始
返 天紀四年晉王濬以舟師至建業皓降晉琅邪王伯入屯太
初宮收圖籍府庫

西晉 武帝太康元年平吳改建業爲秣陵 二年分秣陵北爲
建業改業爲鄴 三年分建鄴置江甯 十年吳敬王宴受封食
丹楊吳興並吳三郡丹楊設立內史
惠帝太安二年張昌反遣其將石冰攻破揚州 永興二年陳敏
克石冰遂據江東反顧榮等密圖斬之

孝愍帝建興元年改建業爲建康

東晉 元帝建武元年愍帝詔使居攝乃卽晉王位備百官立宗

廟社稷於建康 太興元年改丹楊內史爲丹楊尹 二年立郊

邱於建康之己地 三年立懷德縣以處琅邪國人 永昌元年

王敦舉兵武昌反入石頭城不朝帝返閏月帝崩葬建平陵

明帝太甯二年王敦舉兵自姑孰至溫嶠等敗其軍敦憤惋死

三年帝崩葬武平陵

成帝咸和二年豫州刺史祖約歷陽太守蘇峻反入姑孰屠于湖

卞壺等拒戰於冶城死之峻逼遷天子於石頭城 四年帝在石

頭匡術以苑城歸順峻子碩攻臺城焚太極東堂祕閣皆盡溫嶠

等議欲遷都王導不可乃止 五年造新宮始繕苑城 八年始

於覆舟山南立北郊

咸康元年石季龍入寇帝觀兵廣莫門三年詔立太學於淮水

南六年復琅邪比漢豐沛七年實編戶王公以下皆土斷白

籍八年崩葬興平陵

海西公太和六年桓溫詣闕廢帝迎立會稽王昱是爲簡文帝

簡文帝葬高平陵

孝武帝甯康元年除丹楊竹格等四航稅太元三年作新宮

八年謝幼度破秦師於淮淝衛將軍謝安勞還師於金城十年

苻堅爲慕容沖姚萇所逼請救太保謝安救秦帝於西池餞安安

病歸八月薨十七年新作東宮二十一年造清暑殿新作永

安宮九月帝崩於清暑殿葬隆平陵

安帝隆安二年兗州刺史王恭反其前鋒劉牢之降迎擊恭破之

興元年荊州刺史桓元反命驃騎大將軍元顯討桓元王師敗桓元殺元顯 二年桓元篡位僭國號楚改元永始遷帝於尋陽降爲平固王 三年帝在尋陽劉裕起兵破桓元兵於江乘又破於覆舟山元走裕乃具百官置畱臺是年濤水入石頭敗舟萬計漂殺甚多江左頻有濤患未有若斯之甚 義熙元年乘輿反正六年廣州刺史盧循反襲建康京師戒嚴築藥園柎浦廷尉三壘九年罷臨沂湖孰皇后脂澤田以賜貧人 十年城東府 十四年帝崩葬休平陵 恭帝元熙元年劉裕廢帝爲零陵王宮於故秣陵宋永安二年被殺葬沖平陵

宋 武帝永安元年卽位詔舊郡縣以北爲名者悉除之寓立於

南者聽以南爲號 三年崩葬建康縣蔣山初甯陵

少帝景平二年徐羨之傅亮等廢帝爲營陽王迎立宜都王義隆是爲文帝六月徐羨之使邢安泰殺帝於金昌亭

文帝元嘉十四年鳳皇見於都下改其地曰鳳皇里 十五年立儒學館於北郊作東宮 十六年立元素學史學文學江左風俗

於斯爲美 二十二年築北隄立元武湖於樂游苑北興景陽山

於華林園 二十五年新作闔闔廣莫二門改先廣莫曰承明開

陽曰津陽 二十七年魏太武帝窺江至瓜步 三十年元凶劭

弑逆崩於於合殿葬長甯陵

孝武帝元嘉三十年起兵討逆劭帝至新亭眾推卽位改新亭曰

中興亭二凶及同逆並伏誅 孝建元年南郡王義宣反伏誅詔

開建仲尼廟起正光殿 大明元年改景陽樓曰慶雲樓清暑殿

人司水火劫盜。三年以揚州所統六郡爲王畿。以東揚州爲揚州。於元武湖北立上林苑。移南郊壇於牛頭山。以正陽位。立皇后蠶宮於西郊。五年起明堂於國學南丙巳之地。初立馳道。自閶闔門至朱雀門。又自承明門至元武湖。六年新作大航門。置凌室於覆舟山。修藏冰之禮。詔上林苑內士庶邱墓欲還合葬者勿禁。七年於元武湖大閱水師。二月校獵於烏江。登六合山。十一月祀梁山。大閱水師於中江。十二月於博望梁山立雙闕。八年崩葬秣陵縣巖山景甯陵。

前廢帝卽位。以王畿諸郡爲揚州。以揚州爲東揚州。罷南北馳道。永光元年。以石頭城爲長樂宮。東府城爲未央宮。北邸爲建章宮。南第爲長楊宮。毀殷貴妃新安寺。十一月湘東王彧等使壽寂。

重刊江甯府志 卷之五
四
之等弑帝葬秣陵縣南郊壇西

明帝泰豫元年崩葬臨沂縣莫府山高甯陵

後廢帝元徽元年桂陽王休範反蕭道成出頓新亭討斬之五年王敬則等陰結楊玉夫弑帝葬秣陵縣南郊壇西蕭道成以太后令貶帝爲蒼梧王迎立順帝

順帝昇明元年沈攸之舉兵袁粲據石頭城謀誅蕭道成不果而死三年蕭道成廢帝爲汝陰王居丹徒宮齊建元元年監人弑王而以疾赴葬遂甯陵

齊 高帝建元元年卽位 二年立六門都牆 四年崩

武帝以宋元嘉二十七年生於青溪宮齊國建爲世子以石頭爲世子宮建元四年卽位立河南王長懋爲太子是爲文惠太子永明元年築青溪舊宮作新婁湖苑 五年幸芳林園禊宴初起

幸琅邪城講武 九年幸琅邪城講武觀者傾都普賜酒肉 十

一年皇太子薨立皇孫昭業爲皇太孫七月帝崩葬景安陵

廢帝鬱林王武帝崩帝以太孫卽位隆昌元年西昌侯鸞以太后
令廢帝爲鬱林王蕭詵等弑之迎立海陵王昭文

廢帝海陵王立宣城王鸞輔政尋以太后令廢帝爲海陵王使宣
城王入纂皇統十一月王有疾遣御師殞之先是武帝立禪靈寺
於都下當時以爲壯觀識者謂鼎業遷移之象

明帝卽位罷武帝所起新林苑以地還百姓廢文惠太子所起東
田斥賣之 永泰元年王敬則反伏誅巫覡云後湖水頭經過宮

內致帝疾帝決意塞之欲南引淮流會崩事寢葬興安陵

東昏永元元年淮水變赤如血都下大水死者甚眾始安王遙光

據東府反陳顯達反至都二年崔慧景反入建業雍州刺史蕭
衍舉兵反三年龍鬬於建康淮激水五里九月蕭衍兵至南豫
州李居士以新亭降徐元瑜以東府城降十二月王珍國張稷率
兵入弑帝宣德太后令追封爲東昏侯立和帝
帝以闕武堂爲芳樂苑又於苑中立店肆模大市置射雉場二百
十六處置屏除長圍道路隔絕殿內火燒璫儀十餘殿北至華林
園西至祕閣三千餘間起芳樂等七殿又別爲潘妃神仙玉壽永
壽三殿剝取諸寺塔寶珎以爲飾和帝中興二年梁受命奉帝
爲巴陵王宮於姑孰戊辰梁遣鄭伯禽弑之追尊爲和帝
梁武帝宋孝武大明元年帝生於秣陵縣同夏里三橋宅東昏
旣誅帝入鎮殿內是日鳳皇集建業命焚東昏淫奢異服六十二
種於都街天監四年立建興苑於秣陵建興里詔立孔子廟置

建康三官廟南嶺廷尉三官爲北嶺置集雅館作東宮 六年有
三象入建業改閱武堂爲德陽堂聽訟堂爲儀賢堂 七年作神
龍仁虎闕於端門大司馬門外新作國門於越城南 九年新作
緣淮塘起後渚離門迄三橋幸國子學試胄子 十年初作宮城
門三重樓及開二道 十二年新作太極殿爲十三間以從閨數
普通二年置孤獨園改作南北郊火延燒後宮屋三千間 大
通元年初帝勅同泰寺至是開大通門以對寺之南門幸寺捨身
中大通元年都下疫帝於重雲殿爲百姓設救苦齋 大同元
年幸同泰寺捨身鑄十方銀像 二年都下地震生白毛長二尺
三年幸同泰寺捨身鑄十方金銅像幸阿育王寺設無礙法喜
食 七年於宮城西立士林館 太清元年帝捨身光嚴重雲二
殿游仙化生皆震動三日乃止 二年侯景反至建業陷東府城

三年陷宮城帝崩於淨居殿葬修陵帝於鍾山造大愛敬寺青溪邊造智度寺又修飾國學增廣生員立五經博士

簡文帝太寶元年侯景逼帝幸西州曲宴二年幽帝於永福省元帝承聖元年王僧辨等乘潮入淮進至禪靈寺前侯景塞淮口緣淮作城自石頭至朱雀街十餘里陳霸先於石頭西落星山築柵連八城景亦於石頭東北築五城二年王僧辨鎮建康有齊師移鎮姑孰旋還建康

敬帝紹泰元年王僧辨納貞陽侯淵明入建康陳霸先使侯安都襲石頭殺僧辨父子徐嗣徽襲建康入據石頭北齊遣兵據姑孰又於胡墅渡米及馬以應之侯安都襲胡墅霸先立柵於冶城太平元年徐嗣徽合兵十萬向梁山齊兵至秣陵故城跨淮立柵自方山進及兒塘潛至鍾山龍尾趨莫府山又至元武湖陳霸先

相次克捷生擒徐嗣徽二年遜位於陳陳奉爲江陰王薨於外

邸

陳武帝永定元年幸鍾山祠蔣帝詔出佛牙於杜姥宅二年

營太極殿有樟木流泊陶家後渚三年崩葬萬安陵

文帝天嘉元年迎葬梁元帝於江甯詔逐食流移者不問僞舊悉
令著籍同土斷之法以建安等八郡置東揚州五年罷南丹陽
郡城西城天康元年崩葬永甯陵

宣帝太建四年詔自梁亂離東宮焚燼太子居永福省可剏築東

宮五年齊秦州瓜步胡墅等城降七年焚陳桃根所上織成

羅文錦被於雲龍神虎門幸樂游苑采甘露宴羣臣詔於苑內龍

舟山作甘露亭十年立方盟壇於婁湖立建興郡領建安同夏

烏江江乘臨沂湖熟六縣屬揚州 十四年始興王叔陵據東府

反帝崩葬顯甯陵

後主至德二年於光照殿前起臨春結綺望仙三閣 祥明二年
有羣鼠無數自蔡洲岸入石頭渡淮至於青塘大風激濤水入石
頭建業城無故自壞青龍出建陽井起齊雲觀隋大作戰舡投木
柿於江 三年隋總管賀若弼自廣陵北道濟京口陷南徐州進
據鍾山白土岡至樂游苑韓禽虎自南道橫江濟采石陷南豫州
至新林石子岡任忠引從朱雀桁趨南掖門而入帝自投於井隋
晉王廣自六合桃葉山濟江入據京城命斬張貴妃賜於中橋
隋 文帝開皇九年平陳詔建康城邑並平蕩耕墾於石頭置蔣
州江左自東晉以來刑法疏緩至是盡更變之 十年蘇威作五
教百姓怨之陳之故境皆反楊素平之廢丹陽郡併秣陵同夏建

煬帝大業初置丹陽郡 十三年起宮丹陽將遷於江左

唐 高祖武德二年置揚州東南道行臺尙書省 三年以江甯

溧水二縣置揚州析置丹陽溧陽安業三縣更江甯曰歸化以句

容延陵二縣置茅州以杜伏威爲使持節總管江淮以南諸軍事

揚州刺史輔公祐克丹陽進屯溧水平李子通杜伏威徙居丹陽

六年以延陵句容復隸揚州更歸化曰金陵輔公祐據石頭反

七年趙郡王孝恭平公祐更揚州爲蔣州廢行臺 九年廢都

督更金陵爲白下以延陵句容隸潤州以溧水溧陽丹陽隸宣州

太宗貞觀七年更白下縣曰江甯縣

肅宗至德元載封顏真卿丹陽縣子 二載以江甯縣置江甯郡

以高適鎮江東密圖永王璘 乾元元年改江甯郡爲昇州置浙

江西道節度兼江甯軍使治昇州後徙治蘇州 二年顏真卿拜
浙西節度使徙浙西觀察使治宣州罷領昇州 上元元年劉展
反襲下蜀李峘潰遂陷昇州更置上元縣 寶應元年廢昇州
德宗建中元年分浙江觀察使爲東西二道 二年合二道觀察
置節度尋號鎮海軍節度使 四年節度使韓滉築石頭城修塢
壁起建業迄京峴

憲宗元和二年鎮海節度使李錡反治石頭城

僖宗光啟三年復以上元句容溧水溧陽四縣置昇州

昭宗景福元年楊行密有國於淮南並據金陵 天福二年封行

密爲吳王 三年田頔襲昇州刺史李神福

楊吳 宣帝唐天祐六年徐溫領昇州刺史畱廣陵使知誥爲昇

州防遏使往治之 十一年知誥城昇州廣金陵舊城二十里

睿帝順義元年改昇州大都督府爲金陵府建紫極宮於冶城故址 太和五年徐知誥營宮城於金陵欲徙帝都金陵不果遷

天祚元年知誥進封齊王 二年置百官以金陵府爲西都 三

年建齊國立宗廟社稷改金陵曰江甯府

南唐 烈祖昇元二年廣濟倉災焚米三十萬石改吳興閣曰昇

元閣瓦官寺曰昇元寺

元宗保大十一年金陵大火逾月焚廬舍營署殆盡夏六月至秋
月不雨淮流可涉 十五年都下大火 交泰元年去帝號稱江
南國主用周顯德年號 周顯德六年命修城隍治要害爲子孫
計乃城金陵增戍兵

後主宋建隆二年元宗南遷帝畱金陵監國 宋開寶三年命境